



Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO

Na osnovu člana 15. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 46/06 i 51/09), člana 69. Statuta Općine Centar Sarajevo – prečišćeni tekst („Službene novine Kantona Sarajevo“, broj 23/4) i člana 3. Odluke o načinu odabira i praćenju realizacije projekata nevladinih/neprofitnih organizacija po LOD metodologiji („Službene novine Kantona Sarajevo“ broj: 10/18) Općinski načelnik Općine Centar Sarajevo raspisuje:

JAVNI POZIV UDRUŽENJIMA BORAČKE POPULACIJE SA PODRUČJA OPĆINE CENTAR ZA PREDAJU PRIJEDLOGA PROJEKATA KOJI ĆE BITI FINANSIRANI/SUFINANSIRANI IZ BUDŽETA OPĆINE CENTAR SARAJEVO U 2023. GODINI

I PRIORITETNE OBLASTI

Općina Centar Sarajevo poziva sva udruženja boračke populacije sa područja Općine Centar Sarajevo da dostave prijedloge projekata koji se odnose na sljedeće oblasti:

1. Psihološko i socijalno osnaživanje i podizanje kvalitete života boračke populacije kroz:

- 1.1. Organizovanje radnih terapija i radionica;
- 1.2. Organizovanje sportskih takmičenja, kulturno- umjetničkih i drugih rekreativnih aktivnosti (inkluzija lica sa invaliditetom putem sportsko- rekreativnih sadržaja);
- 1.3. Projekti koji doprinose poboljšanju kvaliteta života porodica poginulih, ratnih vojnih invalida i članova njihovih porodica i branilaca (dodatna edukacija (prekvalifikacija), sticanje novih znanja i vještina);
- 1.4. Edukativno- savjetodavne aktivnosti;
- 1.5. Projekti koji se odnose na rekreativno-rehabilitacijske programe namijenjene boračkoj populaciji;
- 1.6. Pomoć pripadnicima boračke populacije (prehrambeni paketi i sl.)

2. Njegovanje tradicija odbrambeno-oslobodilačkog rata 1992. -1995. godine i NOR-a 1941-1945. godine:

- 2.1. Projekti koji promovišu značajne datume, događaje i ličnosti u skladu sa Kalendarom značajnih datuma, događaja i ličnosti iz perioda odbrambeno –oslobodilačkog rata 1992-1995. godina
- 2.2. Izložbe ratnih fotografija, seminari, okrugli stolovi, historijski časovi, prikupljanje arhivske građe, video zapisa i ostalog materijala;
- 2.3. Projekti koji se odnose na razvijanje svijesti mladih o vrijednostima odbrambeno- oslobodilačkog rata 92-95 (Promocija u osnovnim i srednjim školama, podrška školskim sekcijama -historijski časovi, izdavačka djelatnost);

II VISINA I ISPLATA SREDSTAVA KOJA SE DODJELJUJU

Iznosi sredstava za odobrene projekte udruženja će biti od 5.000,00 KM do 20.000,00 KM po projektu, s tim da jedno udruženje u toku kalendarske godine može povući maksimalno 80.000,00 KM.

Općina zadržava pravo da ne dodjeli sva raspoloživa finansijska sredstva u slučaju da projektni prijedlozi ne zadovoljavaju zadate kriterije, kao i da koriguje predložene Budžete boračkih Organizacija u skladu sa raspoloživim sredstvima i zakonskom okviru implementacije projekata.

Grantom koji se dodjeljuje u okviru ovog poziva mogu se finansirati administrativni troškovi i troškovi osoblja u maksimalnom iznosu od **30%** od zahtijevanog iznosa (**Budžetske stavke: 1. Ljudski resursi, 2. Putovanje/prevoz i 3. Uredski troškovi**). Ostatak finansijskih sredstava trebalo bi predvidjeti za programske aktivnosti projekta (**Budžetske stavke: 4. Projektni troškovi, 5. Vidljivost, 6. Ostali troškovi – indirektni troškovi**), od kojih se do maksimalnih 5% može predvidjeti za ostale (indirektno) troškove.

Projekti se trebaju realizovati u skladu sa Priručnikom za implementaciju projekata boračkih udruženja.

Isplata sredstava za ugovorene projekte izvršit će se kvartalno, a nakon usvajanja budžeta Općine Centar Sarajevo za 2023. godinu.

III UČESNICI JAVNOG POZIVA

Učešće u ovom javnom pozivu je otvoreno za sva formalno registrovana udruženja boračke populacije sa područja Općine Centar Sarajevo, u skladu sa zakonskim propisima.

Aplikant može predati više od jedne aplikacije i jedne projektne ideje, ali u tom slučaju se moraju predati odvojene aplikacione forme i priložiti neophodnu dokumentacija uz svaku od njih.

IV PERIOD REALIZACIJE PROJEKATA

Dužina trajanja svakog projekta može biti maksimalno dvanaest (12) mjeseci. Izabrani projekti se trebaju realizovati u periodu od minimalno 3 mjeseca a maksimalno 12 mjeseci, u zavisnosti od termina usvajanja Budžeta Općine Centar Sarajevo.

Projekti se trebaju realizirati u skladu sa Priručnikom za implementaciju projekata boračkih udruženja koji su dobili finansijsku podršku Općine Centar Sarajevo I LOD metodologijom.

V LOKACIJA

Izabrani projekti se trebaju implementirati isključivo na području Općine Centar Sarajevo, osim aktivnosti za koje ne postoje pretpostavke da se odvijaju na teritoriji Općine, a čija su ciljna grupa građani Općine.

NAPOMENA: Neće se finansirati aktivnosti odobrenog projekta koje su provedene prije zaključivanja ugovora.

PREUZIMANJE DOKUMENTACIJE:

Sve potrebne informacije i elektronska verzija prijavne dokumentacije može se naći na web stranici općine Centar Sarajevo www.centar.ba /konkursi i oglasi.

Pitanja u vezi sa javnim pozivom se mogu postaviti putem e-mail adrese: mahira.susko@centar.ba. Pitanja se mogu postavljati dok traje objava javnog poziva. Odgovori na upite će biti dostavljeni u pisanoj formi unutar tri radna dana od primanja upita.

Obavezna dokumentacija treba da sadrži sljedeće dokumente:

- **Projektni prijedlog**
- **Budžet**
- **Plan aktivnosti**
- **Administrativni podaci o aplikantu**
- **Finansijska identifikaciona forma**

Dodatna dokumentacija je vrlo važan dio projektne dokumentacije i treba biti kompletirana kako bi prijedlog projekta mogao biti evaluiran. Dodatna dokumentacija se dostavlja u jednom primjerku i treba da sadrži sljedeće:

- Ovjerena kopija važećeg rješenja o registraciji organizacije u BiH (za nosioca projekta/podnosioca i eventualne partnere na projektu),
- Kopija Statuta organizacije (podnosilac projekta i partneri),
- Identifikacijski broj,
- Uvjerenje o izmirenim poreskim obavezama (original ili ovjerena kopija uvjerenja poreske uprave),
- Uvjerenje o izmirenim doprinosima za zaposlene, ako ima zaposlenih u organizaciji (ako nema zaposlenih priložiti izjavu da nema zaposlenih ili kopija ugovora o djelu za koordinatora/sekretara udruženja);
- Izjava kojom se odgovorno lice boračkog udruženja obavezuje da će u toku kalendarske godine održati Skupštinu udruženja;
- Bilans stanja i bilans uspjeha (FIA)
- Izvještaj sa zapisnikom o održanoj skupštini za prethodnu godinu, potpisan i ovjeren od strane ovlaštenog lica;

VI ELIMINATORNI KRITERIJI:

- **Organizacija nije dostavila finansijski i narativni izvještaj za odobrena sredstva u prethodnim periodima;**
- **Projekat nije urađen u skladu sa Javnim pozivom;**
- **Aktivnosti u projektu ne uključuju građane Općine Centar;**
- **Organizacija nije dostavila potpunu dokumentaciju;**
- **Projekti čiji budžeti ne sadrže detaljan prikaz utroška po svakoj aktivnosti pojedinačno;**
- **Projekti koji podrazumijevaju dodjelu sredstava trećim licima (jednokratna novčana pomoć):**

VII PREDAJA APLIKACIJA:

Ispunjena aplikacija (sa kompletnom zahtijevanom dokumentacijom) se mora dostaviti **u dva (2) primjerka u štampanoj formi** u zatvorenoj kovrti preporučenom poštom ili lično tokom radnih dana (ponedjeljak – petak), u periodu od 8 do 16 sati sa naznakom „ Za Javni poziv za projekte boračke populacije“, na adresu:

Općina Centar Sarajevo
Protokol
Ul. Mis Irbina 1
71 000 Sarajevo
Bosna i Hercegovina

Rok za predaju aplikacija je 28 (dvadesetosam) dana od dana objavljivanja na stranici Općine Centar i u dnevnom listu Oslobođenje i Dnevni avaz.

Projektne prijedloge razmotrit će i procijeniti Komisija za odabir projektnih prijedloga koju imenuje Općinski načelnik. Svi aplikanti koji su predali prijedloge projekata, koji su prihvaćeni ili odbijeni, će biti obaviješteni u pisanoj formi o odluci u vezi sa njihovim prijedlogom projekta nakon usvajanja Budžeta Općine Centar Sarajevo za 2023. godinu. Rezultati će biti objavljeni na web stranici Općine Centar Sarajevo (www.centar.ba), kao i na oglasnoj ploči Općine.